

Pelajar sambut baik usaha menteri

SHAH ALAM - Kepimpinan pelajar menyambut baik usaha Menteri Pendidikan, Dr Maszlee Malik untuk mengekalkan skim bantuan kewangan buku bagi penuntut institusi pengajian tinggi (IPT), tidak kira dalam apa jua bentuk atau nama.

Pemegang Jawatan Sementara Yang Dipertua Majlis Perwakilan Pelajar Universiti Putra Malaysia (MP-PUPM), Aida Fitri Peli berkata, pengumuman menteri pendidikan baru-baru ini merupakan perkembangan positif demi kebajikan pelajar.

"Saya menerima perkara ini dengan sangat positif di mana saya menyokong usaha menteri," kata beliau.

Menurut Aida Fitri, skim baucar buku memberikan manfaat kepada mahasiswa sepertimana yang telah disuarakan barisan Majlis Perundingan Pelajar Kebangsaan (MPPK) semasa satu perbincangan bersama Ketua Pengarah Pendidikan Tinggi, Kementerian Pendidikan Malaysia, Datin Paduka Ir. Siti Hamisah Tapsir pada 24 Oktober lalu.